

# Gwers 41 – Brecwast ar y traeth

## Nodiadau Cefndir i'r Athro


### Ioan 21:1–14

**C**redir mai ychwanegiad yw'r bennod hon; y mae 21:24 yn awgrymu fod y bennod wedi ei hysgrifennu gan un arall ar sail tystiolaeth Ioan, a hynny er mwyn adrodd yr hyn a ddigwyddodd i Pedr. Tra'r oedd Pedr yn cadw'n gynnes yng nghyntedd palas yr Archoffeiriad, ac Iesu'n cael ei holi gan Annas, cyhuddwyd ef o fod yn un o ddilynwyr Iesu, ond gwadu hynny a wnaeth. Ac yntau'n dal i siarad, canodd y ceiliog a chofiodd eiriau Iesu yn yr oruwch ystafell, 'Yn wir, yn wir, rwy'n dweud wrthyf, ni chàn y ceiliog cyn iti fy ngwadu i dair gwaith' (Ioan 13:38). Nid oedd Ioan am orffen yr efengyl heb ddweud wrth ei ddarllenwyr bod Pedr wedi ei adfer i'r apostolaeth, a byddai hynny'n egluro sut yr oedd Pedr yn ffigur mor amlwg yn hanes yr Eglwys Fore. Erbyn iddo ysgrifennu'r efengyl roedd Pedr wedi marw.

Roedd y dyddiau'n dilyn yr atgyfodiad yn ansicr gydag amheuaeth ynglŷn â'r dyfodol â rhai o'r disgyblion wedi dychwelyd i ddilyn eu galwedigaethau blaenorol. Roedd y deuddeg wedi gadael eu gwaith beunyddiol i ganlyn Iesu a'i ddilyn o bentref i bentref, yn gwrando arno, ac yn dystion i'r gwyrthiau. Gwelsant ddigwyddiadau'r Wythnos Fawr yn Jerwsalem, yn diweddu gyda'r croeshoelio ar Golgotha. Dilynwyd hynny gan ddigwyddiadau rhyfedd, clywsant adroddiadau rhai chwirydd yn dweud bod y bedd yn wag. Eraill yn dweud wrthynt weld Iesu'n fyw; roedd ganddo'r gallu i ymddangos a diflannu yn ddirybudd. Roeddent mewn cymaint o benbleth fel bod Simon, a chwech arall, wedi penderfynu dychwelyd i Galilea ac ail afael yn yr hyn a wnaent cyn i Iesu eu galw i'w ddilyn, pysgota.

Mae'n ddiddorol sylwi mai pysgotwyr oedd hanner y disgyblion a alwodd Iesu. Nodweddiion amlwg pysgotwyr oedd dewrder, dyfalbarhad ac amynedd, ynghyd â'r parodrwydd i gydweithio fel tîm. Bu'n noson wael o bysgota, ac er eu profiad fel pysgotwyr proffesiynol 'ni ddaliasant ddim y noson honno' (Ioan 21:3). Wrth ddychwelyd i'r lan, gwelsant ddyn yn sefyll yno ond nid oeddent yn ei adnabod. 'Does gennych ddim pysgod, fechgyn?', gofynnodd y dyn, a rhaid oedd iddynt ateb, 'Nac oes'. Roedd y gorchymyn i fwrw'r rhwyd i'r ochr dde i gael helpa yn herio eu profiad a'u gwybodaeth fel pysgotwyr oherwydd, yn y nos oedd yr amser gorau i bysgota a hynny yn y dŵr dwfn, nid ganol bore ac yn ymyl y lan. Roedd yr helpa mor fawr fel bod angen cymorth pob un ohonynt i ddod â'r helpa o 153 o bysgod i'r lan. Y gwahaniaeth rhwng methiant a llwyddiant oedd lled y llong! A'r ffaith fod Iesu gyda hwy yn awr.

Yr oedd Iesu wedi cynnau tân golosg a gwahoddodd y pysgotwyr i gael brecwast. Bellach, nid oedd neb yn meiddio gofyn pwy ydoedd, gwyddent yn iawn mai Iesu ydoedd. Gwelir yma pam y dewisodd Iesu gymaint o bysgotwyr i'w ddilyn. Gwyddai'r pysgotwyr sut i weithio. Mae ganddynt y dewrder a'r parodrwydd i fentro i'r dwfn, yr amynedd a'r dyfalbarhad i ddal ati heb roi'r ffidil yn y to. Gwyddant mor hanfodol yw cydweithio gyda'i gilydd ac y maent yn brofiadol gyda'r offer a'r cwch. Yr union gymwysterau ar gyfer bod yn bysgotwyr pobl.



Wyt ti'n hoffi bwyta pysgod? Cafodd Pedr ac Iesu pysgod i frecwastr. Wrth iddynt fwyta, gofynnodd Iesu gwestiwn i Pedr. Wyt ti'n cofio'r cwestiwn? Roedd Pedr mor falch i gael cyfle i ddweud wrth Iesu ei fod yn ei garu.

Arglwydd Iesu, helpa ni i dy garu, fel Pedr. Amen.

# Gwers 41 – Brecwast ar y traeth



**Pysgod i frecwast** | Beibl Newydd y Plant tud. 216, 217

(Ioan 21:1-14)

## Gwers 41

Brecwast ar y traeth

### **BEIBL GWEITHGAREDD Y PLANT DAN /DROS 7 oed**

Brecwast ar y traeth tud 172

### **BEIBL LLIW STORI DUW**

Pysgota ar lyn Galilea tud 275

### **BEIBL LLIW Y PLANT**

Pysgod i frecwast tud 216

### **BEIBL NEWYDD Y PLANT**

Pysgod i frecwast tud 216

### **Y BEIBL I BLANT MEWN 365 STORÏAU**

'Wyt ti'n fy ngharu?(336) tud 382

### **BEIBL LLIW Y TEULU**

Brecwast wrth y llyn (290) tud 152

## Amser Chwarae

Defnyddiwch gêm bysgota maged neu,

Paratowch set o 5 bysgodyn papur ar gyfer bob plentyn, wedi'u rhifo o 1 i 5. Byddai'n syniad i gael papur lliw gwahanol ar gyfer bob plentyn. Cuddiwch y pysgod o amgylch yr ystafell o flaen llaw. Gofynnwch i'r plant chwilio am y pysgod a'u rhoi mewn trefn – gyda chymorth os bydd angen.

## Amser Stori

Bydd angen paratoi pyped 'Pedr' gyda cheg hapus – cewch ddefnyddio llwy bren neu wisgo Tedi.

Dewch â "Pedr" i'r golwg a'i gyflwyno i'r plant fel un o ffrindiau gorau Iesu, a thrafod gyda'r plant sut wyneb sydd ganddo (hapus) a pham eu bod yn tybied fod Pedr yn hapus. Cynhaliwch sgwrs gyda 'Pedr' er mwyn adolygu'r hanes, fel a ganlyn:

*'Wel Pedr, rydym yn gwybod pam yr wyt mor hapus heddiw – mae Iesu dy ffrind wedi dod yn ôl yn fyw!*

*Beth, oes rhywbeth arall wedi digwydd i dy wneud yn hapusach fyth?*

*Cawsoch frecwast gydag Iesu ar lan y môr ac mi ddangosodd Iesu wrthyt ei fod yn dy garu?*

*Roeddech wedi mynd i bysgota a gwelsoch Iesu ar y lan yn coginio pysgod i chi i frecwast? Dyna braf. Gofynnodd Iesu i ti os oeddet yn ei garu? Be' ddywedaist ti Pedr?*

*Wel siŵr iawn.... wrth gwrs dy fod yn caru Iesu. Beth arall ddywedodd Iesu wrthyt Pedr?*

*Bod ganddo waith arbennig i ti ei wneud? Fel be'?*

*I edrych ar ôl ei ffrindiau i gyd ar ôl iddo fynd yn ôl i'r nef ac i sôn wrth bawb amdano?*

*Wyt ti'n meddwl gwneud y gwaith yma Pedr?*

*Ydi, mae hyn yn waith pwysig iawn, a gwaith anodd hefyd. Ond mae Iesu'n mynd i dy helpu?*

*Rydym yn gallu gweld dy fod yn teimlo'n hapus dros ben nawr Pedr, yn gwybod bod Iesu wedi maddau iti ac yn dy garu.*

## Cân

'A yw Duw'n farw' Rhif 1, Tyrd i Ddathlu

## Gweddi

Paratowch siâp pysgodyn o bapur lapio lliwgar ar gyfer pob plentyn o flaen llaw. Bydd angen rhwyd i 'ddal' y pysgod neu byddai 'bwced bach glan môr' y tro.

Atgoffwch y plant bod gan Iesu neges bwysig i Pedr wrth iddynt fwyta brecwast gyda'i gilydd ar y traeth - ei fod yn caru Pedr. Roedd Pedr mor hapus fod Iesu'n ei garu. Mae'r Beibl yn ein dysgu bod Iesu'n ein caru ninnau hefyd. Rhowch bysgodyn i bawb a'u gwahodd i ddod ymlaen un ar y tro i roi'r pysgodyn yn y rhwyd/bwced ac i ddweud, 'Diolch Iesu am fy ngharu.'

## Crefft

Llyfr Crefft, t.190, 173

## Adnoddau Ychwanegol

### Crefft

Llyfr Crefftau Stori Duw i blant dan 5 oed t. 190, 173

### Gwerslyfrau Golau ar y Gair

Pasg: Iesu'r Brenin

### Tafleini gwefan amserbeibl.org

Cyfres a, B a C - Y Groes a Iesu'n Marw

### Cyfres DVD Stori Duw

Stori 48: Y Pasg Cyntaf

### Cyfres Powerpoints Beibl Bach i Blant

Stori 58: Y Diwrnod mwyaf Hapus

### Cwis a Chwilair

Llyfr Cwis Cynta i Ateb tud 352

### Llyfrau Stori

Stori'r Pasg i Blant Bach

Stori'r Pasg

Rhywun Arbennig Iawn

Y Pasg Cyntaf

